



UNIT KORPORAT DAN PERIHUBUNGAN AWAM

MAKLUMAT MPJBT MELALUI AKHBAR UNTUK BULAN OGOS 2017

BIL.	NO. RUJUKAN	TARIKH	JENIS AKHBAR	JENIS ARTIKEL	TAJUK
1.	08 -2017/001	08.08.2017	Sinar Harian	Info MPJBT	Kursus pastri, memasak bantu ibu tunggal cari rezeki buat keluarga
2.	08-2017/002	09.08.2017	Harian Metro	Info MPJBT	Tambah kemahiran jana pendapatan
3.	08-2017/003	11.08.2017	Harian Metro	Info MPJBT	Fokus rakyat hidup sejahtera
4.	08-2017/004	12.08.2017	Harian Metro	Info MPJBT	Pelajar tunggal lelaki teruja belajar buat kek
5.	08-2017/005	30.08.2017	Sinar Harian	Info MPJBT	Rela hati jaga adik lumpuh
6.	08-2017/006	30.08.2017	Sinar Harian	Info MPJBT	30 OKU teruja tunjukrasa cinta kepada negara

RINGKASAN LAPORAN UNTUK BULAN OGOS 2017:

JENIS ARTIKEL	JUMLAH
ADUAN	0
INFO MPJBT	6
INFO PBT	0
JUMLAH	6



MAJLIS PERBANDARAN JOHOR BAHRU TENGAH

No. Daftar	: 08-2017/001
Tarikh	: 08.08.2017 (Selasa)
Jenis Akhbar	: Sinar Harian
Jenis Artikel	: Info MPJBT
Tajuk Artikel	: Kursus pastri,memasak bantu ibu tunggal cari rezeki buat keluarga

Kursus pastri, memasak bantu ibu tunggal cari rezeki buat keluarga

SKUDAI - Walaupun terpaksa berulang-alik kerja di Singapura dengan menaiki motosikal, itu tidak mematahkan semangat seorang ibu tunggal mencari rezeki demi kelangsungan hidupnya.

R Rajeswary, 45, dari Taman Skudai Baru, di sini bekerja sebagai tukang cuci pinggan mangkuk di sebuah hotel di Singapura selepas berpisah dengan suaminya sejak 20 tahun lalu.

Wanita yang berasal dari Perak itu memberitahu, pengorbanan itu dilakukan demi memastikan seorang anaknya yang kini berumur 25 tahun dan belajar di Kuala Lumpur berjaya.

Bagaimanapun, kermalangan yang dialami pada 2015 ketika pulang dari kerja hingga menyebabkan lutut kaki kirinya selalu sakit membuatkan dirinya terfikir perlu mencari pekerjaan lain.

"Sejak kermalangan itu, kaki saya selalu sakit dan kebas. Jadi, saya sudah semakin tidak larat mahu ulang-alik bekerja di Singapura selain usia pun sudah semakin tua."

"Oleh itu, saya berusaha menambah kemahiran diri dengan membuat kek dan sebagainya secara kecil-kecilan untuk menjana pendapatan dari rumah serta mengikuti pelbagai kelas," katanya.

Beliau berkata demikian semasa mengikuti Program Pembelajaran Kelas Pastri, Memasak dan Dekorasi 2017 yang dianjurkan Yayasan Penyayang Majlis Perbandaran Johor Bahru Tengah (MPJBT), di sini, semalam.

Hadir sama; Pengurus Yayasan Penyayang MPJBT, Fadzilin Abd Rashid dan guru program, Norlizah Saayon.



Abdul Rashid (tiga, kanan) semasa membuat lawatan Program Pembelajaran Kelas Pastri, Memasak dan Dekorasi 2017 yang dianjurkan Yayasan Penyayang MPJBT sambil diperhatikan Fadzilin (kanan) dan Norlizah (dua, kanan).



FAUZIAH

RAJESWARY

Sementara itu, seorang lagi peserta program itu, Fauziah Othman, 49, berkata, dia gemar mengikuti kelas semacam ini bagi menambah kemahiran selain menjadi terapi kepada dirinya yang menghidap pelbagai penyakit.

"Dahulu saya bekerja sebagai pegawai perancang selama 19 tahun, bagaimanapun tulang belakang saya rosak menyebabkan doktor menasihatkan saya berehat dan berhenti kerja.

"Jadi, sejak berhenti kerja pada 2013 saya mengambil tempahan coklat se-

bagai suka-suka dan kali ini kelas membuat kek ini juga saya ikuti bagi menambah pengalaman dan kemahiran, mana tuju boleh jana pendapatan kelak," ujar ibu kepada seorang anak berumur 22 tahun.

Dalam pada itu, Ahli Lembaga Pemegang Amanah Yayasan Penyayang MPJBT, Datuk Abdul Rashid Kasman berkata, seramai 348 peserta yang terlibat dalam bisnes pastri sejak program itu diperkenalkan pihaknya pada tahun lalu.

"Kali ini kita sekali lagi mengadakan program ini yang melibatkan seramai 140 peserta membabitkan kelas pastri, kek mini, roti, kuih talam dan kek lapis.

"Kita menaja 60 peratus kos mengendalikan kursus ini, manakala sebahagian dibayai peserta dan diharap pendedahan yang diberikan dapat membuka peluang mereka menjana pendapatan," katanya.





MAJLIS PERBANDARAN JOHOR BAHRU TENGAH

No. Daftar	:	08-2017/002
Tarikh	:	09.08.2017 (Rabu)
Jenis Akhbar	:	Harian Metro
Jenis Artikel	:	Info MPJBT
Tajuk Artikel	:	Tambah kemahiran jana pendapatan

Tambah kemahiran jana pendapatan

Johor Bahru: "Selepas terbabit kemalangan jalan raya pada 2015 ketika pulang dari kerja, lutut kaki kiri ini selalu sakit dan ketika itu saya terfikir perlu mencari pekerjaan lain untuk menjamin masa depan saya," kata ibu tunggal, R Rajeswary, 45, peserta Program Pembelajaran Kelas Pastri, Memasak dan Dekorasi 2017 anjuran Yayasan Penyayang Majlis Perbandaran Johor Bahru Tengah (MPJBT) di sini, semalam.

Sebelum ini Rajeswary

bersusah payah menunggang motosikal ke Singapura untuk bekerja sebagai tukang cuci pinggan di hotel demi meneruskan kelangsungan hidupnya dan demi memastikan seorang anaknya berumur 25 tahun yang mengutut di pusat pengajian tinggi di ibu negara beroleh kejayaan.

"Selepas kemalangan itu, kaki saya selalu sakit dan kebas serta sukar berjalan. Oleh itu, saya tidak larat berulang-alik bekerja di Singapura

selain usia semakin tua.

"Oleh itu, saya berusaha menambah kemahiran diri dengan membuat kek dan sebagainya secara kecil-kecilan untuk menjana pendapatan dari rumah serta mengikuti pelbagai kelas kemahiran," katanya.

Hadir sama Ahli Lembaga Pemegang Amanah Yayasan Penyayang MPJBT Datuk Abdul Rashid Kasman dan Pengurus Yayasan Penyayang MPJBT Fadzilin Abd Rashid.



ABDUL Rashid melihat peserta membuat dekorasi kek mini dalam Program Pembelajaran Kelas Pastri, Memasak dan Dekorasi 2017.





MAJLIS PERBANDARAN JOHOR BAHRU TENGAH

No. Daftar : 08-2017/003
Tarikh : 11.08.2017 (Jumaat)
Jenis Akhbar : Harian Metro
Jenis Artikel : Info MPJBT
Tajuk Artikel : Fokus rakyat hidup sejahtera



Fokus rakyat hidup sejahtera

Izlailly Nurul Ain Hussein
izlailly@hmetro.com.my

Johor Bahru

Kerajaan negeri tidak melihat kepada kecenderungan politik di sesbuah kawasan dalam pemilihan lokasi bagi pembinaan Rumah Mampu Milik Johor (RMMJ).

Menteri Besar Johor Datuk Seri Mohamed Khaled Nor din berkata, pembinaan RMMJ itu tidak berdasarkan kepentingan politik dan kerajaan negeri lebih fokus kepada memastikan rakyat hidup dalam keadaan sejahtera.

"Kita tidak buat ini (RMMJ) berdasarkan kepentingan politik. Kita ingin pastikan rakyat keseluru-

■ Pembinaan Rumah Mampu Milik Johor tidak pilih kawasan ikut kecenderungan politik

hannya dalam keadaan sejahtera, tidak kira apa kecenderungan politik dia," katanya pada sidang media Pelancaran Skim RMMJ Zon 2B4, Taman Impian Emas dekat Skudai, semalam.

Turut hadir, Pengurus Jaya Watankuasa Perumahan dan Kerajaan Tempatan Johor Datuk Md Jais Sarday, Penggarang Gunung Impian Development Sdn Bhd (GIDSB) Tan Sri A Razak Ramli, Penggarang Pejabat Tanah dan Galian Negeri Johor Mohd Halim Hasbullah dan Yang Dipertua Majlis Perbandaran Johor Bahru Tengah (MPJBT) Adib Azhari Daud.

Selain lokasi RMMJ yang

tidak mengira sama ada ia kawasan dimenangi Barisan Nasional (BN) atau tidak, Mohamed Khaled berkata, kerajaan negeri juga akan terus mengelakkan harga RMMJ serendah RM42,000 hingga RM150,000 dalam usaha memastikan semua rakyat negeri ini memiliki rumah.

"Kami teruskekalkan harga dan tiada cadangan untuk ubah. Kamikekalkan harga RM42,000, RM80,000 dan RM150,000 dan saya fikir itu yang paling rendah, kamikekalkan," katanya.

RMMJ Taman Impian Emas yang dilancarkan itu akan dibina dan dibangun-

kan pemaju taman perumahan itu sendiri iaitu GIDSB.

Sebanyak 444 unit rumah bandar dua tingkat akan dibina dengan keluasan setiap satunya 1,000 kaki persegi selain dilengkapi ciri keselamatan, tempat letak kereta, surau, dewan serbaguna dan taman rekreasi.

Mohamed Khaled berkata, 444 unit RMMJ yang bakal dibina itu sebahagian daripada sasaran kerajaan negeri dalam menyiapkan 60,000 unit RMMJ menjelang 2020.

Katanya, kerajaan negeri menyiapkan 5,248 unit RMMJ pada tahun ini dan dalam usaha menyiapkan lagi 14,742 unit pada 2018.





MAJLIS PERBANDARAN JOHOR BAHRU TENGAH

No. Daftar : **08-2017/004**
Tarikh : **12.08.2017 (Sabtu)**
Jenis Akhbar : **Harian Metro**
Jenis Artikel : **Info MPJBT**
Tajuk Artikel : **Pelajar tunggal lelaki teruja belajar buat kek**

Pelajar tunggal lelaki teruja belajar buat kek

Johor Bahru: Kelas pastri, memasak dan dekorasi anjuran Yayasan Penyayang Majlis Perbandaran Johor Bahru Tengah (MPJBT) bukan hanya menarik minat ibu tunggal malah turut disertai golongan lelaki.

Kelas berkenaan berjaya menarik seorang jejaka mengikutinya kerana mempunyai minat yang mendalam dalam bidang pembuatan kek dan pastri.

Shahrul Mohamad Tahir, 32, yang teruja mengikuti kelas itu berkata, dia mahu menambah pengetahuan dalam bidang pastri dan pembuatan kek lapis dan tidak segan bersama golongan wanita.

Menurutnya, sebelum ini dia menghasilkan kek di rumah berdasarkan minat dan hobi berdasarkan pengetahuan yang ada untuk dijual di kedai

runcit milik ayahnya di Taman Sri Skudai, di sini.

“Saya buat kek secara separuh masa dan mengambil tempahan daripada pelanggan di samping membantu ayah saya di kedai runcit dan menjual kek saya pada masa yang sama.

“Saya membuat kek dalam kuantiti yang tidak banyak kerana bimbang tidak cukup tangan untuk menguruskan permintaan ditambah pula perkakasan kurang lengkap,” katanya ketika ditemui selepas kelas pastri, memasak dan dekorasi anjuran Yayasan Penyayang Majlis Perbandaran Johor Bahru Tengah (MPJBT) di sini, semalam.

Anak kedua daripada lima beradik itu berkata, dia berpuas hati dengan kelas yang dijalankan bersama 30 peserta dan tenaga pengajar yang berkemahiran itu.





MAJLIS PERBANDARAN JOHOR BAHRU TENGAH

No. Daftar : 08-2017/005
Tarikh : 30.08.2017 (Rabu)
Jenis Akhbar : Sinar Harian
Jenis Artikel : Info MPJBT
Tajuk Artikel : Rela hati jaga adik lumpuh

Rela hati jaga adik lumpuh

Kakak pikul tanggungjawab jaga adik yang jatuh bangunan tiga tingkat

AZLINA OTHMAN

ISKANDAR PUTERI - Kasihnya seorang kakak terhadap adik apabila sanggup berkorban menjaga darah dagingnya itu yang lumpuh selepas terjatuh dari bangunan setinggi tiga tingkat sejak Februari lepas.

Norazah Aziz, 41, mengambil tanggungjawab sepenuhnya menjaga adiknya, Mohamad Shukri, 21.

"Saya difahamkan adik terjatuh ketika pergi ke rumah kawannya di Flat Taman Cendana, Pasir Gudang.

"Akibat terjatuh dari tingkat tiga itu, dia lumpuh sebelah badan, patah kaki dan kaki Bengkok serta menjalani pembedahan untuk membuang darah beku di kepala selain dirawat dua minggu di hospital," katanya.

Norazah berkata, sebagai anak sulung daripada lapan beradik, dia kasihan dengan nasib menimpa



Mohammad Shukri lumpuh sebelah badan dan kini hanya mampu terbaring.

adik bongsunya itu dan rela hati menjaganya.

"Ketika kejadian, isteri adik sedang berpantang anak kedua mereka dan tidak bekerja. Kami sudah kehilangan ibu dan bapa, adik-beradik yang lain mempunyai komit-

men masing-masing, jadi saya ambil tanggungjawab menjaga adik.

"Selepas habis berpantang, isteri adik terpaksa bekerja sebagai pembantu taska di Kulai untuk menampung kehidupan. Sambil kerja, dia boleh juga jaga dua anak mereka

● Terjatuh ketika pergi ke rumah kawan di Flat Taman Cendana, Pasir Gudang

yang kini berusia tiga tahun dan tujuh bulan," katanya yang memberitahu Mohamad Shukri menerima bantuan Jabatan Kebajikan Masyarakat sebanyak RM300 dan Baitulmal sebanyak RM400 sebulan.

Ibu kepada enam anak berumur 11 hingga 25 tahun itu berkata, sebelum ini adiknya bekerja sebagai pekerja kontrak binaan dengan pendapatan mengikut hari bekerja berjumlah RM50 sehari.

"Alhamdulillah, tahap kesihatan adik semakin baik. Dia dah boleh beri reaksi terhadap apa yang kita kata termasuk senyum. Selepas kejadian, hampir sebulan juga dia tidak kenal kami.

"Syukur juga, suami, Haniff Hassan, 39, yang bekerja kilang memahami apabila saya mahu jaga adik. Sebelum ini, saya ada ambil upah jahit pakaian tetapi pekerjaan itu turut dikorbankan kerana mahu berperhatian pada adik," katanya.

Terdahulu, keluarga itu menerima kunjungan Pengurus Yayasan Penyayang Majlis Perbandaran Johor Bahru Tengah (MPJBT) merangkap Setiausaha Politik Menteri Besar Johor, Mohammad Khairi A Malik.

Mohammad Khairi menyampaikan sumbangan sebuah katil bernilai RM3,180 untuk kegunaan dan keselesaan Mohammad Shukri.

"Bantuan diharap dapat meringankan beban keluarga ini. Yayasan Penyayang MPJBT memperuntukkan sebanyak RM400,000 di bawah biro kebaikan yang mana setakat ini sebanyak RM300,000 sudah digunakan," katanya.





MAJLIS PERBANDARAN JOHOR BAHRU TENGAH

No. Daftar	: 08-2017/006
Tarikh	: 30.08.2017 (Rabu)
Jenis Akhbar	: Sinar Harian
Jenis Artikel	: Info MPJBT
Tajuk Artikel	: 30 OKU teruja tunjuk rasa cinta kepada negara

30 OKU teruja tunjuk rasa cinta kepada negara

JOHOR BAHRU - Seramai 30 orang kurang upaya (OKU) menzhirikan rasa kecintaan kepada Malaysia menerusi penganjuran program Sambutan Kibar Jalur Gemilang.

Program anjuran Persatuan Rakan Celik PIPI (Physical, Intervention, Psychological and Intellectual) Johor Bahru itu dianjurkan di Hutan Bandar Majlis Perbandaran Johor Bahru Tengah (MPJBT) Mutiara Rini, di sini, Sabtu lalu.

Kesemua OKU berkenaan memperkenan keterujaan mereka menyambut Hari Kemerdekaan negara ke-60 pada masyarakat yang lain pada program itu.

Timbalan Pengurus

Persatuan Rakan Celik PIPI, Mohd Ashari Sidon berkata, program itu diadakan setiap tahun dan untuk kali ketiga ini, sambutan yang diterima amat menggalakkan.

Menurutnya, acara bertujuan memberi ruang dan peluang kepada ahli persatuan itu menunjukkan rasa cinta mereka kepada negara dengan cara tersendiri.

"Walaupun mereka ini bukan orang kuat, tetapi semangat mereka itu kuat. Hari ini, apa yang kita lihat, kesedaran orang ramai terhadap golongan OKU itu.

"Mereka seakan-akan dilihat seperti tidak tahu apa-apa sedangkan mereka juga rakyat Malaysia yang sebenarnya mahu merasai ke-



meriah sambutan merdeka dan mereka juga mahu menzhirikan rasa kecintaan mereka itu.

"Dengan program seumpama ini, kita bawa mereka berkumpul di padang seperti ini, bagi mereka kibarkan bendera, kita berarak sambil menyanyikan lagu patriotik, kita lihat mereka seronok sebab selalunya orang yang normal saja buat benda macam ini," katanya.

Hadir sama Ketua MCA



Antara kereta sorong bayi dan kerusi roda yang dihias dengan Jalur Gemilang.

Bahagian Gelang Patah, Datuk Jason Teoh Sew Hock; Ahli Majlis MPJBT, Datuk Seri Kowa Cher Chiang dan Ketua Unit Pemulihan Carakerja, Hospital Sultanah Aminah (HSA), Peremalatha

Sundram.

Pelbagai aktiviti menarik diadakan termasuk tarian poco-poco, pertandingan menghias kereta sorong bayi atau kerusi roda mengikut tema kemerdekaan, per-

tandingan melukis dan mewarna, kuiz serta sukaneka.

Seramai 100 orang termasuk ahli keluarga golongan OKU juga menyertai program yang mendapat sumbangan orang ramai.

